

Banja Luka i Donji Vakuf će posljednji završiti proces povrata imovine

Međunarodne organizacije koje rade na provedbi imovinskih zakona uključujući OHR, UNHCR i Misiju OSCE-a u BiH su istakle da još samo Banja Luka i Donji Vakuf trebaju provesti odluke o povratu imovine.

Dok je Donjem Vakufu preostao još samo jedan slučaj koji treba riješiti, Banja Luka konstantno odlaže manji broj deložacija i ima još nekoliko slučajeva koje treba riješiti, prije nego utvrdi krajnji rok završetka ovog procesa.

Iako je završna provjera provedbe imovinskih zakona obavljena u Kotor Varošu, Mrkonjić Gradu i Prnjavoru, međunarodne organizacije su pronašle nekoliko neriješenih slučajeva, iako je izvješteno da su isti bili riješeni. Razlog za ovo je loš rad prethodnih šefova općinskih ureda za izbjeglice. Ovi slučajevi se sada procesiraju u skladu sa zakonom.

“Do sada, ovjerili smo 90 od 130 općina, uključujući sve općine u Hercegovini,” saopštile su međunarodne organizacije.

“Dodatnih 38 općina je riješilo zahtjeve, izdale su odluke za iste i nadgledale provedbu povrata imovine. Ove općine sada pripremaju završne izvještaje, koji će biti pregledani kada budu podneseni.” Međunarodne organizacije pozivaju općine da predaju ove izvještaje što prije, imajući na umu već zabilježena nepotrebna odlaganja u pripremi istih.

Plan provedbe imovinskih zakona se trebao završiti 1. januara 2004. Statistički podaci pokazuju da je ukupni procenat provedbe imovinskih zakona 93% u čitavoj zemlji.

Ove tri međunarodne organizacije su istakle činjenicu da se

lica koja imaju pravo na alternativni smještaj i primaju dodatke za plaćanje smještaja od stambenih organa součavaju sa problemom, posebno u RS-u, gdje su budžetski deficit i slabo punjenje budžeta Ministarstva za raseljena lica i izbjeglice stvorili značajnu nesigurnost za nekoliko stotina porodica.

U isto vrijeme, međunarodne organizacije pohvaljuju novog načelnika općine Donji Vakuf, "koji je osigurao da ova općina napravi plan – koji je do sada poštivan – za završetak procesa provedbe imovinskih zakona."